

Sovu pīdareibu i piecteceibu apsazynojuūt...



Febrālī svātō Valentina dīna, vysapleik par tū tik daudzi runoj, ka napamaneit voi aizmierst tū navar. Vīni sviņ itūs mīlestibys svātkus, cyti nā, bet par mīlestību ap itū laiku runoj vairōk kai cytom reizem. I ka ir tai, ka itymā mienesī kaida daļa ļaužu palīk redzeigōki, dzierdeigōki voi atvārtōki deļ mīlestibys, tod vajag izmon-tōt itū īspieju i ļaut saprast, ka mes poši izavielejam sovys dzeivis vierteibys i poši tōs arī sorgojam. Itūreiz, sarunā ar „Lat-golys Radejis” direktoru **Valdi Labinski**, par mīlestibys vierteibu – par lelu i stypru gimini – par Labinsku saimi.

Cīneit vīnam ūtru i byut atklōtīm sovā storpā – tei ir vierteiba, kas Labinsku sai-me i kdīnā ļaun byut styprim. Labinski pa mozumeņam na tik daudz svātkūs, vairōk i kdīnā mieginoj īdzeivynōt sovā saimē ka-tōliskōs i latviskōs tradicejis, jo jim patī-šam ir svareigi turētīs pi sovys giminis, zemis i Dīva.

Tūmār saprūtams, ka febrālī naiztikt bez pyrmō vaicōjuma par Valentina dīnu, voi itūs svātkus sviņ Labinsku saimē?

„Vysi svātki lobi, nu izjamūt Halovinu voi leidzeigus spūku atzeimēšons pasō-kumus kai, pīmāram, oktobra revolucejis godadīna i tamleidzeigi. Myusu saimē mes pīminim, bet nasvinim Valentina dī-nu, tod jau vairōk cytu svātūs dīnys, kuru vōrdūs nūsaukti myusu bāmi, kai Annys, Donata, Jōņa u.t.t. dīnys. Skūlā gon sviņ arī Valentina dīnu, bet par tū naasu eisti laimeigs, eipaši jau šūgod, kod gavieņa sōkums vēļ svaigā atmiņā. Lobōk byutu svinēt sovus svātkus, un, jo tī napateik, dūt tim jaunu formu. Niu, pīmāram, pyrms gavieņa varātu reikōt kōrteigu kamevalu, eipaši jau skūlōs, ar masku ballem, disko-tekotom i cytom izprīcom, tai arī pasokūt, ka jōsviņ pamateigi, deļ tō ka, sōcūt ar Palnu trešdīni, nu vysa itō iz laiku jō-atsasoka.”

V.Labinskis aktivi dorbojās Jersikys skūlā kai skūlys padūmis priksšādātōjs i, lai gon pats dūmoj, ka nabyus vīgli, tūmār ir apjīemeibys pylns sovys idejis īdzei-vynōt arī skūlā, i lai jam tys izadūd.

Publiskā lekcejā kaida psihoterapeite reiz saceja: lai bārns sajimtu tik mīlesti-bys, cik jam teišam vajag, jam jōaug vys-moz sešu cylvāku saimē. Ka itū jam vārā, tod dzeive asūt pīpildeita. Labinsku gimī-nē ir 8 cylvāki – Valdis, sīva Žanna, sīvys-mōte Erna i pīci bārni – Tekla, Anna, Īva, Donats i Jōņs.

Valdim daudz laika pajam dorbs Rade-jā, sīva Žanna ir medike, kurai arī pīnōku-mu grafiks pīpildeits, vōrdu sokūt, gōdō-šons vīnam par ūtru gona, i vysim tok

gribīs i pateik, ka jū reizem palutynoj, tai sokūt, panosoj iz rūku, lai gon bārni vaira naasūt nikaidi mozi – Teklai pavasarī byus



11 godi, Annai ir 10, Īvenai 7, Donats naseņ palyka 6 godus vacs, a Jōneišam dreži byus 3 godi.

Vaicōju, a kai tod i kdīnys sātys dorbi, kas i kod tūs padora? Jōvad tok bārni iz skūlu i ēst jōgatavoj, i jōmozgoj, kai obejim Labinskim izadūd saplānot vysu doramū?

„Dūmoju, ka myusim daudz gryušōk byutu, jo bārnu byutu tikai vīns voi divi, jo tagad jī spiej arī daudz kū dareit poši. Lels atbolsts myusim ir sīvys mōte Erna, kas niu jau godus pīcus dzeivoj pi myusu.

Tikai piec jōs īsarasšons pi myusu muna sīva Žanna ot-kon varēja pīsavērst medicīnai. Sātys dorbi pa nedeli lelā mārā gulstās tīši iz jōs placu. Kū mēs varim dareit? Nu reita, braucūt iz dorbu, bāmus aizvest iz skūlu i vo-korā, atsagrīžūt nu dorba, pajimt nu muzykys skūlys. Vokorūs ar myusim obim voi, mozōkais, vīnu nu myusim, bārnim ir tikai kaidys 2-3 stuņdis. Palīk vēļ nedelis nūgalis, i, ka mes ar sīvu izkōrtojam, tod pa nedeli arī


kaidu dīnu vysmoz vīns nu myusu ir sātā. Nā, mes nasastōdom īpašus grafikus, gon par daudz kū runojam, bet 8 cylvāku saimisteibā plani tik ōtri mainōs, ka vyslō-bōkais sabīdrōtais-plānōtōjs ir mobilais telefons.”

Taipōš jī obeji atrūn laiku sekōt leidza bārnu skūlys dorbim, izaveidōjuši arī lobi kontakti ar skūlu, i vēļ jim ir pasalaimiejs, ka Teklai nu 1.leidz 4.klasei, i tagad arī Īvenai skūlūtōja asūt Valda mōseica Māreite.

Myusdīnōs gon ir arī taids fakts, ka nimoz nav tik daudz izgleitōtūs sīvišu, kurys byutu ar mīru audzynōt pīcus bār-nus, bīži vīņ var dzierdēt – divus, nu par trejim vairōk nā, deļ tō arī praseju, kai Valdis atroda tik lobu sīvu kai Žanna?

„Precejūtīs mes pat pi kōzu golda sa-cejom, ka grybim daudz bārnu, atmiņā palykuši skaitli nu 4 leidz 6. Myusu obu giminis ir styprī atškireigys, bet vīns gon ir kūpeigs – mes vīnmār asam dzeivōjuši vairōki cylvāki kūpā. Sīvu es patīšam mekleju ilgus godus, i asu prīceigs, ka tik ilgi nūsacīšu, leidz atrodu eistū, jo vīnam dzeivōt nabeja vīgli. Tai kai naap-sapreciejūs vaira pavyssam jauns, jau beju saprats, ka lobu sīvu lobōk nameklēt





pošys izveidotajā doktoratā."

Cytos sātōs, kur apleik daudz sīvīšu, šod tod var dzierdēt taidu jūku – kai lai ar jom teik golā, navarūt savajdeit. Valdis Labinskis soka, ka jam gon ar sovom sīvītem asūt pasaveics:

"Ar sīvītem pasaveics maņ tikai pošūs pādejūs godūs, kūpš asu preciejīs. Tūmār nagrybu atzeit, ka jōs byutu pōrōkumā, jo naasu jau es vīns - ir divi dāli, i, kai smejūtīs soku, jo pīskaita suneiti i ruņci, tod myusu sātā pastōv pīlneigs dzymumu leidzsvors."




V.Labinskis dorbā palaikam gon ar jūku, gon pavysam nūpītnei īsamiņ, ka jam asūt loba sīvysmōte, var saprast, ka jei patīšam ir dzeivisgudra sīvīte. Kai jau īprīkš tyka saceits, sīvysmōte padora vīglōku ari saimis ikdīnu, i Valdis ir pateiceigs jai par paleidzeibu, pībylstūt:

"Ceru, ka jai mes sagōdojam na tikai dorbu i ryupis, bet ari pīku. Kas vacōkim ir svareigōkais? Ir tok tai, ka svareigōkais ir, lai byutu kaida kūpeiga izpratne par dzeivi saimē i pasaulī, mīrs i satīceiba, i pōrīceiba, ka myusim vysim ir kaida nōkūtne."

Labinsku saimis nōkūtne radzama bārnūs, i, kai atzeist Valdis, kotram bār-

nam izpratne par svareigom lītom drusceit sovaiddōka:

"Myusu bāmi vysi ir vīns nu ūtra stipri atškireigi, eipaši jau vysys treis meitys, dālim var jau sameklēt kaidys leidzeibys ar mōsom. Pateik, ka vysom trejom meilumom ir sova mōkslinīciskō dzeisleņa: voi tei ir muzyka, stōstu raksteišona, voi ari tikai sapņōšona par balerīnys lūmu. Vēl jau pōragrī sprīst, kas varātu byut kas, koč maņ i pateik fantazēt, bet par tū es nadūmoju. Jī vysi augs i atsateistēs dažaidi, i es tū atbolstu, lai kotrs veidōtūs tymā vier-



zīnī, kas kotram līkās svareigs. Es nagrybu redzēt bārnūs sevis kopeju, bet tikai dzeivis turpynōtōjus."

Itymūs Zīmyssvātkūs Labinsku saime beja pi prezidenta iz svineigu pījimšonu kai daudz bārnū gimine, vaicōju, kai jim izarōdeja – voi Latvejis vadeiba i



sabīdreiba kūpumā saprūt, ka bārnī ir bogōteiba?


"Dūmoju, saprūt, ka tei ir sorgojama i atbolstama bogōteiba. Tikai dīmžāl, kai ar daudzom lobom lītom, tryukst realūs dorbu. Te nimoz nasagrib runēt par vaļsts mozū atbolstu giminem, ka navar pat izdareit tik vīnkōršu lītu, kai par kotru apgōdeibā asūšū bārnū atbreivōt nu īnōkuma nūdūkļa leidz vaļstī nūteiktajam iztykys minimumam. Daudz svareigōk ir tys, ka tryukst ticeibys i paļōveibys, i leidz ar tū dzymst tik moz bārnū. Par realu reiceibu, kura nav nikaidā saskaņā ar myusu idealim par giminis i cylvāka vīerteibu, līcynoj tys, ka Latvejā abortu skaits vys vēl ir šausmynūši lels, i nūnōvātūs biernēnu skaits pōrsnīdz dzeivi dzymusūs skaitu."

Valdī Labinskī pošā ir ari lela mīlesteiba iz Latgolu. Voi itū mīlesteibu jī audzyno ar sovūs bārnūs i kai?

"Es dzeivoju Latgolā, jo nu šejīnis nōkuši muni seņči, tei nav tik daudz mīlesteiba, bet vīnkōrši cīna izarōdeišona pret jim, tai sokūt, pīnōkums i ari izaicynōjums, voi tod es byušu pymais, kas ite navarēs dzeivōt. Pasaulē ir jau daudz jauku vītu, bet vysu tik un tai nadabōt, i myusu Latgola ir gona loba, lai par tū nabyutu jōsakauņej. Bārnus mes audzyno ar apsaiznōt sovū pīdareibu i piecteiceibu, bet mes nasokom, ka Latgola ir vyslobōkō, voi ka cytur nav dzeivis."

V.Labinskis kai

dorbūs cīši aizjimts cylvāks sajam lelu atbolstu gon nu sīvys, gon sīvysmōtis. Par tū jis jom ir nu sirds pateiceigs. Bet dūts deviejam atsa-



dūd. Jo myusim vysim ir pīrks partū, ka ar „Latgolys Radejis” starpnīceibu ir izadevs koč drusceit styprynōt klauseitōju mīlesteibu pošim iz sevi, iz latgalīšu volūdu, iz Latgali kūpumā. „Bet tai var byut tikai pi tim cylvākim, kurim jau ogrōk natryuka ni mīlesteibys, ni poščina. Lai īkustynōtu pōrejūs, jōstrōdoj vēl cīši īlgi i napītikis ar vīna cylvāka dzeivi,” tai Valdis.

Deļ tō svinīt vysus svātkus, kas jiusim dūd dzeivis pīpīldejumu, i svinīt sovā saimē – ar sovstarpeju poščīnu i mīlesteibu vīnam iz ūtru.

Maija Upineica

